

Un'kaan wàyyweel akà Bàtesalonikà Nsemà

Un'kaan a Pól wàyyweel akà Bàtesalonikà afuurà ndaa bàten uboo a un'kaan wàtàtweb: ngyeel a Mwol unsà làkoo. Ntòn bàmbòon bàfàkyey uyol naa ngyeel ayi yàkyàkwo itaan, un'kaan awà akwen mudwa an'kyān an'be amà.

Kiin a ndaa

Asànaa unsà un'kaan wàtàtweb, Pól, Silàve anà Tumàte ban'pà mbor akà baar ban'soön ba un'kaan 1.1-2.

Wa wànjakab mbwo yweel: Mbwo yàtàtweb yànjàyaamà unsà ngyöob. Yà nsemà, nde asonà ikonj a ngwal, itàkal naa mpay a nkwaan: nde an'tuüb anà an'lonj unsà ntsuul a ndaa a Nzam taan usàmenà Mwol Yesu. Ikal kyàyyweel ikanà làkwikilà a aklisto ntòn muyob balàbal a « ila' a Mwol » anà muyilon. Mbwo yàyyweel yà ndaa mupà ngwal. Mbwo yà ntsüü yà ntòn mbor a Pól anà musà koo. Un'kaan wàyyweel wà akà Bàtesalonikà ntsüü awa, yà balàbal asànaa un'kaan wàtàtweb. Nde wa kàsqn ntsu' a mbul 51 itakal 52 utaan abi là. Wa kalab mbwo nsil ya ayà kun'kaan wàtàtweb. Mbeel ayi yà ntòn bi iduub mii anà iyamà Nzam awà Taarabi: « Itsuun bi unsube » (Matay 6.13).

Mbɔr

¹ Pɔl, Silàvɛ anà Tumutɛ.

Bi ban'pà mbɔr akà Iköön akyà kyà Taa Nzam anà kyà Mwol Yesu Klistɔ:

² Wɛy Taaràbi Nzam anà Mwol Yesu Klistɔ bálape kab a ngway anà duu!

Nsan mpal usàyà Yesu

³ Atɔŋ, taan lanswà bi ikyer afuur an'toon akà Nzam nton be. Yubwan naa bi ikyer abun, nton làkwikilà abɛ làmuyel mbɔon, anà ukwen a umwɛy umwɛy uboo a be akatɔŋ bumwɛy bàsöönà.

⁴ Kyakin ifàswan bi ngaal uboo a Iköön a Nzam nton mukuünà abɛ anà làkwikilà abɛ unsà nkwaan ana mpay anàdiir lamana be.

⁵ Abà ya ikameɛyà ntsüül a nsan a Nzam yàbalàbal, nton be làmenà bànàkwo nton Imwol a Nzam akyà làmanà be mpay.

⁶ Ya yà balàbal naa Nzam ufuur ngyeb anàdiir akà baar bàfàlapà unkiin,

⁷ anà nde afàpà, akà be baar làmanà mpay, ngyöör anà akà bi, umpal a imeɛy a Mwol Yesu fà du anà akyeey ande bunkaak a ngwal.

⁸ Nde asàyà uboo a làlem a mbaa nton mupà ntaanàmbar akà baar mpa bàyob Nzam anà mpa bàfàkyey Làsan Anàbwan a Mwol abi Yesu.

⁹ Ntaanàmbar aba isàkal bwà a mbul a in'tye, ukwel kusà a Mwol anà làkoo ande làngwal,

¹⁰ mpal usàyà nde muwal làkoo amu anjin'kyeel ande anà itàän amu anàlàkwikilà, kyekà bɛ làkyey imbal abi.

¹¹ Kyakin bi ikayamà taan lanswà ntɔn bɛ, ntɔn Nzam abi kalabuul banàkwo mukal uboo a mbeel kàlasi nde, anà, u mbwo a ngwal ande, nde kàlabay mukwey ngyal abɛ mukyer ubwan anà làkwikilà làfàmenà unsà isal.

¹² Abun, bɛ lasasyanà ikɔb a Mwol abi Yesu anà nde sye akyer asàlasyanà, asànaa làkwen kab a ngway a Nzam abi anà là Mwol Yesu Klistɔ.

2

Umbarà a ntsüü

¹ Aton, ntɔn ndaa iler ngyeel a Mwol abi Yesu Klistɔ anà nkɔn abi apà nde, bi kàmàlalom:

² isàkal naa imɛɛy mwey kyàngoom, itàkal ndaa a mbuur mwey, itàkal ndaa a un'kaan mwey bàmɛɛy naa yàfù akà bi, yàmàlakyään naa ilà a Mwol kyà kyàya itaan, twon lan'duül musà lingyoomà unsà an'kyan abɛ itàkal muman boomà ntɔn ya.

³ Wey akà mbuur mwey uköön akàlabwiy ndwan, itàkal kaben. Ntɔn kusà a ilà aki muya, baar mböön batwab atàpiy làkwikilà anà anufur a nkyel awà un'kyabwà, utwab atàmenà,

⁴ nde mbuur afàmbarà anà afàmbaär undiir wanswà bafabel naa nzam itàkal naa undiir wanswà bafasa lakoo. Nde afakabwaay tii u ndwà a Nzam anà mukyään nde njakwo naa nde wà Nzam.

⁵ Nkye be làfàkayɔbà anki naa me kàkyàlakyaän ndaa ayin utaan kàkal me tsutsu' apà be?

⁶ Apanà, be làkyàyoɔb undiir akun'taa mpi ntɔn nde uyàmenà nà utaan kàyoŋà Nzam ntɔn nde.

⁷ Ntɔn ngyee a ube yàkyàsèmà musal. Yan'sal nà mulwom mbuur akataa wa mpi,

⁸ apan mbuur un'be waa usàmenà, mbuur usàdwa Mwol Yesu u mbwo a un'swey a mun ande, anà asun'buul undiir a bunàbun u mbwo a in'nyäāj a ngyeel ande.

⁹ Mbuur un'be asàyà u ngwal a Satanà, nde asàkyer isal a ngwal byifà ifà, impà, idiim a loor,

¹⁰ anà mbwo yanswà mpa ayà balàbal ntɔn mukur baar bàdiimà mbwo, ntɔn ba bàwel anki ukwen a ndandaa abà balawiiy mɔɔ.

¹¹ Kyakin Nzam katoömà nde ngwal a ndiimà ntɔn ba bàsi làkwikilà u ndaa a loor,

¹² ntɔn baar banswà mpa bàsi làkwikilà amu ndandaa, wɛɛ bàmen un'sak ntɔn ndaa mpa ayà balàbal, bàwel ntaanàmbar.

Be bàlasɔɔl ntɔn muwà mɔɔ

¹³ Atɔn, akà bi, bi ikyer afuur an'tɔɔn akà Nzam taan lanswà ntɔn be, nkween a Mwol, ntɔn Nzam kàlasɔɔl fà nsemà, ntɔn be làwū mɔɔ u mbwo a Dweelà afàkyeel anà u mbwo a làkwikilà amu ndandaa.

¹⁴ Ntɔn ya sye, nde kàlabel u mbwo a Làsan Aŋàbwan kàlakyaän bi, ntɔn be làwel kab unsà làkoo a Mwol abi Yesu Klistɔ.

¹⁵ Kyakin, atɔŋ, làkàl anàtsim anà làkäär an'loɔŋ kàlapɛ bi, itàkal u mun, itàkal un-sun'kaan.

¹⁶ Wey Mwol abi Yesu Klistɔ nde ɲakwo, anà Taaràbi Nzam, awà kikwen, anà u mbwo a kab a ngway ande, kipe ndeel a mbul a in'tye anà làkyàn anàbwan,

¹⁷ bàlaleel anà bàlapɛ ngwal amu isal kyanswà anà ndaa anàbwan yanswà.

3

Làyamà ntɔn bi

¹ Abun, atɔŋ, làyamà ntɔn bi, ntɔn ndaa a Mwol ipää agyägäy, anà ya iwel làkoo asanaa iwà ya akà bɛ,

² ntɔn bi isɔrà akanankyel anà akà baar abe, ntɔn ba banswà làkwikilà latɛy.

³ Wɛɛ Mwol wà làä: nde ayàlapà ngwal anà ayàlatii ukwel a Mbuur un'be.

⁴ Bi ifàsà mpem akà Mwol ntɔn bɛ, ntɔn bɛ làfàkyer indiir ifàlaswan bi, anà bɛ làsàlala mukyer bya.

⁵ Wey Mwol ulöön mpem abe ntɔn mukwen Nzam anà unsà nkääŋ a mpem a Klistɔ!

Ndöŋ a isal

⁶ Atɔŋ, bi bàmalaswan kà ikɔb a Mwol Yesu Klistɔ: làkàl ukwel a un'tɔŋ awe anà möö a ɲingyäy anà mpa afàlab an'loɔŋ làwel bɛ akà bi.

⁷ Bɛ, bɛ ɲakwo làkyäyɔb ubwan naa bɛ bi lilab aben: bi kàkàl anki anà möö a ɲingyäy uboo a bɛ.

⁸ Bi kàdi anki mampà a mbuur màngway, wée, unsà mpay anà ngyöñ, u mpib anà u mwaàna, bi kàsàl ntòn muköñ akal buur akà umwey uboo a be.

⁹ Iswanà anki naa bi kàkàl anki anà iköb muwal mbaay abe, wée bi kàkwen mukal mban lan'kwo be mulab.

¹⁰ Kyakin, mpal kàkàl bi akà be, bi kàlapé nswéeñ yi: « Mbuur mpa akwen musal, wey nde uköñ adyà sye! »

¹¹ Kyekà, bi iweemà naa uboo a be bye anà abwal, isal aba nà uyibilà u ndaa a baar asin.

¹² Akà abwal aban, bi kan'pà nswéeñ anà ndeel yi kiköb a Mwol Yesu Klistö: wey ba bàsàl unsà duu anà badi isaa a mpay aba ñakwo.

¹³ Akà be, atöñ, twon lán'yön mukyer ubwan.

¹⁴ Isàkal naa mbuur ulàb anki nswéeñ kan'pà bi uboo a un'kaan wà, lun'syebà ubwanàbwan, twon lan'kal un'tüüb anà nde, ntòn nde umen nswen.

¹⁵ Wée, twon lun'wel asànaa un'yiin, lun'weey asànaa un'töñ.

Nsaak anà mbör

¹⁶ Wey Mwol a duu, kàlapé duu nde ñakwo taan lanswà anà u mbwo yanswà. Wey Mwol ukàl anà be banswà.

¹⁷ Mbör yi yan'koo amé ñakwo Pöl. Mè in'fàsà koo unsà un'kaan umwey umwey in'fàson mè.

¹⁸ Wey kab a ngway a Mwol abi Yesu Klistö lākāl anà be banswà.

Bible Iyansi
The New Testament in the Yansi language of the
Democratic Republic of the Congo: Bible Iyansi

copyright © 2024 Seed Company in coordination with Forum Communautaire des Traducteurs de la Bible et Alphabétisation

Language: (Yansi)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-10

PDF generated using Haiola and XeLaTeX on 10 Sep 2025 from source files dated 10 Jul 2025

533ada40-f65c-5c48-9141-b107f37a0a9f